
OFFERYNNAU STATUDOL CYMRU

2017 Rhif 42 (Cy. 18)

Y DRETH GYNGOR, CYMRU

**Rheoliadau'r Dreth Gyngor (Dosbarthau
Rhagnodedig ar Anheddau) (Cymru) (Diwygio) 2017**

<i>Gwnaed</i> - - - -	23 Ionawr 2017
<i>Gosodwyd gerbron Cynulliad Cenedlaethol Cymru</i> - -	25 Ionawr 2017
<i>Yn dod i rym</i> - -	15 Chwefror 2017

Mae Gweinidogion Cymru yn gwneud y Rheoliadau a ganlyn drwy arfer y pwerau a roddir i'r Ysgrifennydd Gwladol gan adrannau 12(4), 113(1) ac 116(1) o Ddeddf Cyllid Llywodraeth Leol 1992(1) ac a freinir bellach ynddynt hwy(2).

Enwi a chychwyn

1. Enw'r Rheoliadau hyn yw Rheoliadau'r Dreth Gyngor (Dosbarthau Rhagnodedig ar Anheddau) (Cymru) (Diwygio) 2017 ac maent yn dod i rym ar 15 Chwefror 2017.

Diwygio'r Rheoliadau

2.—(1) Mae Rheoliadau'r Dreth Gyngor (Dosbarthau Rhagnodedig ar Anheddau) (Cymru) 1998(3) wedi eu diwygio fel a ganlyn.

(2) Yn rheoliad 4 (Dosbarth A)—

(a) yn lle paragraff (a) rhodder—

“(a) of which there is no resident(4);”;

(b) ym mharagraff (b), ar ôl “is” mewnosoder “substantially”.

(3) Yn rheoliad 5 (Dosbarth B)—

(a) yn lle paragraff (a) rhodder—

“(a) of which there is no resident;”;

(1) 1992 p. 14.

(2) Trosglwyddwyd y swyddogaethau hyn i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac fe'u breinir bellach yng Ngweinidogion Cymru yn rhinwedd paragraff 30 o Atodlen 11 i Ddeddf Llywodraeth Cymru 2006 (p. 32).

(3) O.S. 1998/105.

(4) Ystyr “resident” mewn perthynas ag unrhyw annedd yw unigolyn sydd wedi cyrraedd 18 oed ac y mae'r annedd yn unig neu'n brif breswylfa iddo (gweler adran 6(5) o Ddeddf Cyllid Llywodraeth Leol 1992).

Statws This is the original version (as it was originally made). Dim ond ar
ei ffurf wreiddiol y mae'r eitem hon o ddeddfwriaeth ar gael ar hyn o bryd.

(b) ym mharagraff (b), ar ôl "is" mewnosoder "substantially".

23 Ionawr 2017

Mark Drakeford
Ysgrifennydd y Cabinet dros Gyllid a
Llywodraeth Leol, un o Weinidogion Cymru

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn wedi eu gwneud o dan Ddeddf Cyllid Llywodraeth Leol 1992 ("Deddf 1992") ac maent yn diwygio Rheoliadau'r Dreth Gyngor (Dosbarthau Rhagnodedig ar Anheddau) (Cymru) 1998 ("Rheoliadau 1998").

Mae rheoliadau 4 a 5 o Reoliadau 1998 yn rhagnodi dosbarthau ar anheddau at ddiben adran 12(4) o Ddeddf 1992. Pan fo dosbarth wedi ei ragnodi at ddiben adran 12(4), caiff awdurdod bilio yng Nghymru benderfynu nad yw disgownt y dreth gyngor yn gymwys o dan adran 11(2)(a) o Ddeddf 1992 neu benderfynu ei leihau i ganran a bennir gan yr awdurdod bilio.

Mae'r Rheoliadau hyn yn diwygio'r dosbarthau a ragnodir gan reoliad 4 (Dosbarth A) a rheoliad 5 (Dosbarth B). Mae'r diwygiadau'n addasu'r geiriad yn y dosbarthau hynny i egluro eu bod yn cynnwys anheddau lle nad oes preswlydd a bod yr anheddau wedi eu dodrefnu i raddau helaeth. Mae "resident" wedi ei ddiffinio yn adran 6(5) o Ddeddf 1992.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.